

Danskisut innuttaassuseqarsinnaaneq pillugu sulianut akiliuteqartarnermik nalunaarut

Danskisut innuttaassuseqarsinnaaneq pillugu inatsimmi § 12, imm. 1 napertorlugu, tak. inatsimmik nalunaarut nr. 422, 7. juni 2004-meersoq, inatsisikkut nr. 730, 25. juni 2014-meersukut allangortinneqartoq tunngavigalugu, aalajangersarneqarpoq:

§ 1. Naalagaaffimmi innuttanngortitaanissamut danskisut innuttaassuseqalernissamik qinnuteqaatip oqartussaasunut tunniussiviusussaataasunut tunniussinermi akiliutissaq 1.000 kr. akilerneqassaaq. Danskisut innuttaassuseqalerneq pillugu uppersaammik Statsforvaltningimut tunniussinermi akiliutissaq 1.100 kr. akilerneqassaaq.

Imm. 2. Tak. danskisut innuttaassuseqarsinnaaneq pillugu inatsimmi §§ 5 aamma § 6, imm. 2, meeqqat, danskisut innuttaassuseqalernissamik angajoqqaat qinnuteqaataanni imaluunniit danskisut innuttaassuseqarnermik angajoqqaat uppersaataanni ilanngunneqartut akiliutissamut ilanngullugit akilerneqassanngillat.

Imm. 3. Meeqqat 18 inorlugit ukiullit, angajoqqaavi imaluunniit taakku arlaat ataaseq danskiullutik/-ni inunngorsimasut/-soq kingusinnerusukkulluunniit danskisut innuttaassuseqalersimasut/-soq naalagaaffimmi innuttaalersinneqarnissamik qinnuteqaammut akiliummik akiliisanngillat.

Imm. 4. Qitornavissiat 18 inorlugit ukiullit, danskiullutik/-luni inunngorsimasunik/-mik kingusinnerusukkulluunniit danskisut innuttaassusilinnik/-mik angajoqqaarsiallit/-lik naalagaaffimmi innuttaassuseqalernissamut qinnuteqaateqarnermut akiliummik akiliisanngillat.

§ 2. Naalagaaffimmi innuttanngortitaanissamut danskisut innuttaassuseqalernissamik qinnuteqaammut ataasiaannarluni aamma danskisut innuttaassuseqalernermik uppersaammut ataasiaannarluni akiliisoqassaaq. Qinnuteqaateqarsimasoq uppersaasigaasimasorlu akiliutissat akilerneqareersimanerannik uppersaasussaataapput.

Imm. 2. Qinnuteqaat akuerineqanngippat imaluunniit uppersaasiisoqarumangippat akiliutit utertinneqarsinnaanngillat.

§ 3. Nalunaarut una atuutilersinneqarpoq ulloq 10. juni 2014.

Imm. 2. Naalagaaffimmi innuttanngortitaanermut atasumik akiliuteqartarnissaq pillugu nalunaarut nr. 162, 7. marts 1995-imeersoq atorunnaarsinneqarpoq.

Imm. 3. Nalunaarut atuutissanngilaq uppersaatinut, nalunaarutip atuutilersinneqarnera sioqqullugu uppersaasiunneqartunut.

Justitsministereqarfik, ulloq 4. juli 2014

KAREN HÆKKERUP

/ Johan Kristian Legarth